

秦
川
焚
餘
草

秦川焚餘草卷三

閩縣董平章琴虞撰

余服官不及廿年去闕甫逾十稔身經中外運際
艱虞上而大小臣工贊成秕政下至城鄉黎庶
扇動澆風見見聞聞奇奇怪怪不勝蒿目無限
傷心睹時事之日非攄客愁而天問爰吟短什
用寄長思

築臺吟

傷將相也

適從何來中書蠅飽卽颺去將軍鷹物態人情類如此

築臺猶說自隗始愛錢惜死兩知音枉直何勞較尺尋
萬斛邊儲多染指十瓶海物易熏心

守闕吟 憫仕宦也

千里籥雲稱家駒一朝失水爲轍魚長安市上噉名客
守闕經時嗟落魄選政停年格最公末流何事不圓通
循資債帥除邊遠得路錢神考上中

竭澤吟 哀黎庶也

徵調勞于頰尾魴輓輸困若羸角羊貧家已破富甯哿
竭澤而漁急星火海宇惟聞愁歎聲誰陳漫叟春陵行

錢增閭架編零戶緝算舟車據要津

棄壁吟 刺士卒也

私鬪則勇威於菟曳兵而走技黔驢南征萬騎籌戰守
棄壁狂奔惟恐後望氣全軍墨不揚卽戎自昔貴知方
爭拋賞械齎蠻虜誰執干戈作國殤

棲山吟 思隱逸也

泥中曳尾千歲龜花底養茸三春麋大隱葆真悟斯旨
棲山不爲鶴書起亦知重望繫蒼生百六其如厄運丁
長使畸人思避世坐令豎子得成名

我聞 併序

胡子發選拔見示長古以我思名篇大旨以西
北多山爲世界不平事立論意境警闢筆力奇
矯而卒歸於正余次韻屬和畧反其說者亦語
羞雷同非真欲以偏師搥長城也

我聞神降於天示出地遼古三才原一氣後聖絕之弗
使通乃命重黎革其例平成繼奏神禹功遵道蕩平息
徧設九州分野如星羅五嶽鎮方若棋置從茲良坎各
呈能譬彼坤乾難易位卽如東南西北高下殊多水多

山固其勢不然指揮童律鎖支祈疏鑿豈愁功莫遂坐
令琛費遠輸將定藉梯航勤構締我思洞庭風信一帆
懸閣道峰形千劔倚舟車跋涉多怨咨爾戒河山何破
碎又思剗巖堙塹中土平喝水驅潮尾閭匯世途直與
鳥道同無俟南車遙指示行見長安近似日邊來瀛海
遠能牛斗至鞭石爭驚秦帝神移山翻羨愚公智徑當
絕域汗漫游底用小儒述征記豈知彼蒼憫此遠游客
旅愁獨對殘釭剔輝煌冠蓋雖不同鞅掌風塵總無異
簡書畏忌疲津梁戎馬蒼黃赴疆場士兮日下皆噉名

商也浮梁或重利若非行路之難如上天祇恐世人僕
僕還多事我愛君詩有奇氣持論齟齬聊相戲知君胸
中具邱壑要削圭稜化平易不可思議兮如是我聞鬪
取機鋒同證大乘意

七夕雨甚因憶去秋正苦旱熱感賦

竟夕雨如絲空傳乞巧期雙星潛度漢衆潦競趨池客
歲旱方劇茲宵涼共追平添今昔感又託越吟悲
悲吟意謂何歲月疾如梭天上經年別人閒寸晷多尙
傳紛灑淚徑欲溢成河下界連宵雨荒倉歎逝波

北垣太守行有日矣爲雨所阻更卜首途之期復

戲成四絕以贈

淫雨無端滯客程輕裝俶罷未成行
新腔更唱君須聽
便算陽關第四聲

清渭雨添新漲急白雲晴望故鄉長
寄聲北徙黃河水

爲送離心向濟陽

時以道梗未奉迎太夫人板輿黃河
自前年蘭儀決口直趨故道當經君

里

劔閣秋深雨更多美人黃土恨如何
此行莫過卽當驛

一曲淋鈴鬢恐皤

時北垣新
亡一妾

似聽寒雨向秋江十丈羈愁未易降贏得連宵重話別
不須燭翦待西窗

胡子發選拔張友樵孝廉近多以詩篇酬唱喜得
觀摩之益率賦呈贈

夏蟲那可語寒冰託此邦居艱得朋乍喜談詩聯二妙
恰如聞偈悟三乘君饒高致羞陽鱗我寄遐心慕季鷹
長共名流數晨夕宦情鄉思淡都能

秋夕卽事

伏庚雨已多閏歲秋偏早苔繡罨閒階一蛩鳴淺草

大火漸西流明蟾映素幃渾忘身是客歸夢話秦州月

十四夜夢在故

園談旅秦事

客歲八月滇回陷大理林范亭觀察死焉聞變哭

以長排傷其老親弱弟瑣尾流離歸櫬何人贈
賻莫致不覺淚如傾而筆屢闕也近始拉雜足
成恐死者有知仍如生前之我笑耳

羣盜囂氛惡齊民殺運連中原紛羽檄六詔又風煙古
有花門種今同部屋編李唐留莫遺葉護率來遷雪積
宵披帽塵昏晝控弦亂華殊習俗尙主惡姻緣非族心

原異分門教更偏

近又有新舊教之分

威行猶斂戢化梗漸狂顛

西域渠曾縛

謂擒張格爾

南雲燼復扇蒙端蠻觸鬪戾氣犬

羊羶井邑驚焚掠閭閻悵棄捐膽真孱帥落

謂文軍門祥

血

竟大僚濺我惜長林子人誇最少年書無經再讀賦必

累千篇視日同荆國

幼時目能視日

觀風從老泉

封翁攜同應試

郊邗

並科目軾轍恰隨肩

長兄廷祺甲午發解南省

策射春官早籌持地

府便鴛班聯玉筍鴻案撤金蓮

捷南官始完娶

愧我枵邊笥逢

君著祖鞭不啖名士餅同上孝廉船卽署疑冰冷交情

喻石堅豐臺花共看蕭寺句爭聯歲月驚傳箭雲泥悔

改絃

君與子鄉會試
同年又同部

近聞膺察典遙想踵朝賢薦剡登

三省除書下九天

御屏名久列

畿輔化初宣轉漕

將籌海巡方卻蒞滇

京察一等先以道員揀發順天辦理糧臺旋簡常鎮道復調任迤

西 襜帷停渭涘尺素枉秦川信滯蒼山遞情殷洱水牽

過陝時尙惠寄一書久未作答

鯨鯢方肆侮鷹隼詎高騫傾耳蠻荒亂

驚心噩耗傳見危期命授惜死肯軀全馬革知誰裹蟾

光慘不圓蒼頭齊伏劍紅袖亦捐鈿

一妾二僕皆從死

岵岵瞻

何極芝蘭嗣弗延書生能報

國疆吏孰安邊

聖世

衰忠渥巍祠入祀專大名垂信史舊夢遂游仙

甲午冬病篤夢

中誦偈似前身爲戒行僧
鏡具齋安往銘旌盼早旋招魂吟楚些隴
外正聞鶻

偶感莊列事因拈成詠

逍遙遊似御風行軒冕泥塗共此情
嫁衛何如終卻楚多應列子愧莊生

蘆花與星堂我石魯泉同作

一片花光白吐晴滿天秋思畫難成
雁銜殘葦呼羣去鷺立寒叢照影明
入夜江空鷺月借隔汀風偃誤潮生
直沽記控歸帆駛慣聽蓬窗獵獵聲

作客蕭晨，畏途荒寒。景物憶江湖，淺灘穗亞，鳧爭唼。
過雨枝斜，蟹自扶被，擁半牀秋。士夢簾垂，一桁釣居圖。
漁舟遙指，炊煙起，賣得魚歸。酒正沽。

搖落西風，黯夕暉，纔逢蓼岸。又苔磯最憐，白板開時入。
不向朱門鬧處，飛窮士、波心呼欲出。謫官浦口，送將歸。
溯洄遙想，伊人在，九月天涯。未授衣。

露白霜青，萬木彫蒙。鳩巢處見煙茗，雅宜返照，楓林映。
錯認漫空柳絮，飄秋至、榆關笳互動。月明瓜步，笛堪邀。
此身已分菰蒲老，不覺吟魂爲暗銷。

秋夕書懷

空庭方夜起秋聲
振觸新愁萬縷縈
假館尙容依舊治
讀書豈必爲來生
相知後世文誰定
偶寄閒情筆自鳴
闕嶠未聞殘寇殄
何時歸受一塵耕

八口羈棲困渭濱
倦游賸此異鄉身
詩賡難了添新債
書答常遲愧故人
豚犬不才家孰保
豺狼當道世方屯
荒郊正切哀嗷感
又聽樓頭塞雁賓

小雨寒甚

雙韻格

晨興呼絮襖
柰怯曉風何
近塞寒常早
逢秋雨每多
王

孫吟短草病子聽殘荷永夕傷懷抱閩山正枕戈

妻病投藥頓愈喜賦

一病竟纏綿深閨爾自憐劇愁成永訣況復在中年疾
似河魚患醫難扁誰延青囊刀匕劑心佩古人賢

秋日登街西奎閣野望

僑居閣畔已三年此日登臨意豁然十笏尙艱終限地
一層更上欲捫天遠山秋色明寒木平楚斜陽返夕煙
待把參差吹月下恐驚闐闐誤飛仙

災蟲行

併序

隴外舊無蝗卽閒有亦如吾閩之不害稼也今
秋忽改常度雖未至赤地蔽天聞鄉農頗苦之
按春秋含孽曰蝗起於貪又曰蝗應苛刻酉陽
雜俎云部吏侵漁百姓則蟲食穀一隅之災應
或在是乎余曾守茲土懼有苛政之未革也作
詩自警亦願以告後之爲司牧者

飛負蟲不食穀榕嶠蘭山舊有之跳擲撲緣歲仍熟劉
猛神列明禋驅卻螟螽禁害稼歲時擊蜡還吹豳咸豐
丁巳秋七月炎暑已徂雨初歇村氓忽走報生蝻接畛

連畦紛出沒喙長竟解殘稻梁欲捕未能嗟力竭八十

老翁鮮經見呼天但道天降罰我聞此語心骨悲

借微之句

異常災眚致者誰或占執政貪納賄或驗從軍戰死綏
嬖惡生孽食心葉虐刑重斂盡茅茨厥徵不一率叶咎
未必獨被天西陲爰稽叔重說文說儒先卓見確不移
犯法取財與乞貸所言皆吏夫奚疑伊余此邦昔曾牧
觸目深恐民苦饑犬牙緣界不入境中牟緱氏何人斯
去官責己已無及聊鳴吾過告採詩

北垣行後聞回匪已迫昆明詩以憶之

驚傳節帥掩雙棺

滇督恆春以賊氛漸近與其妻雉經死奉旨申飭

歎恨書生

戀一官行李計程人漸遠揭竿入境寇非殘洗兵水莫

滇池挽攬轡山空蜀道看

去歲北垣已奉諱旋里計八年中雖升觀察權方伯只

在巴瀘開司鑄局及勸捐足迹總未入滇余此句竟成先識云

遙想巴西前卻意忠

君將母兩全難

讀宋四家詩選感賦

蘇黃一代主駭壇范陸詩豪繼二難地負海涵才繡虎

金聲玉振韻和鸞文章不數蕭梁選仕宦無過趙宋官

卻怪四公遭謗嫉慣留貶蹟後人看

八月十四日閱陸放翁宴西樓詩中二語云萬里

因循成久客一年容易又秋風與余情景酷肖

輒次韻寫懷

因循漸耗寸心雄繫戀誰能萬念空夢想觚稜猶北闕
愁聽鼓角又西風久驚短鬢綠詩白偶遣衰顏近酒紅

忽憶兒童呼禮塔故鄉明日是秋中

閩俗中秋夕寺僧於塔上張燈人家

兒女亦設土木小塔香花供佛羣羅拜稱爲禮塔

代柬約我石登城野望

連日晴暄氣釀秋高城風物定清幽知君筇竹人同健

試送征鴻一倚樓

登城南樓

秋城攜勝侶野望豁吟眸柳變霜前綠河喧雨後流高樓延遠色危堞入邊愁欲學長纓請慚無借籌謀

時西城南

路有同警

中秋夕卽事

去年中秋苦積雨展拜蒲團避廊廡今年中秋憎浮雲坐遲桂影逾宵分陰晴莫測上天意翻覆侵尋到人事登朝鴛鴦慶彈冠避世貂蟬輕做屣時艱宦况兩茫然

倚枕敲詩耿不眠便令五更不見月

後半夜月復出

在家終勝

五年前

任秦日中秋多未返署曾有句云三年四度良宵月只許行人馬上看今乞退已五閱佳節無

復行役之苦矣

畦菊夏秋苦旱潦遠遜於前詩以歎之

籬落擅清華舊稱元亮家光陰過白露消息問黃花地力三年盡秋容九日賒主人同瘦損對爾莫餐加

如朋能耐久愛可共朝昏空拄東籬杖難開北海尊雁來霜有信蟹冷月無痕歎恨荒三徑殊鄉未買園

題仇十洲漢宮春曉圖長卷爲周昭甫廣文作

玉繩低天露華重棲鴉拍拍流鶯哢銀牀
伊軋轆轤鳴驚破枕屏海棠夢一百四十五
紅牆千門萬戶開建章爭捲珠簾呼奉帚
猶燒絳蠟照催妝妝成互詫起誰早出閣
並肩弄清曉金壺汲水課澆花羅帕藉階邀
鬪草口勅傳宣別部伶龜茲新樂合猶生檀
口授歌銀管逐弓腰學舞翠盤輕以上皆詠
圖中所繪徵歌選舞朝復暮夜夜羊
車宿何處九秋團扇託謳吟千兩黃金買詞
賦君王目眩萬傾城綵筆吳綾詔寫形卷裏
畫工誰奉御龔寬陳做擅丹青卷末作畫工
為宮人寫照按西京雜記毛延壽外尚有劉
白樊育龔寬陳做陽望五人

案圖召幸誇秘訣豈料苞苴行女謁入宮趙后啄皇孫
出塞王媵淪突厥有元畫史仇十洲妙墨曾窺赤壁游
余曾見所作後赤壁圖小幅筆墨較是卷工秀特甚知茲爲贗鼎矣不寫御溝紅葉怨春
花春草自生愁

偶食柿及石蟹遂患嘔洩極委頓因憶放翁有食
觀本草元多事醉讀離騷自一奇句戲成六言

二首

牛糲柿甘如蜜虎頭蟹小於錢偶過屠門大嚼竟成禪
榻高眠

車裊狼籍家釀厠溷解脫堂餐

是日赴州署宴會歸復食石蟹非關爾

雅設讀卻坐本草欠觀

病起

殘秋病起坐南榮身世新愁舊恨縈十畝遲成桑苧券
五湖欠踐鷺鷗盟浪稱天上閒星宿厭見人閒苦戰爭
誤耗太倉廿年粟願乘未老學躬耕

夢舟行甚適

九月初五夜

游仙一枕夜初闌萬頃茫然放眼寬身作扁舟凌震澤
景如振柁下嚴灘風波定後神猶悚歲月閒中夢亦安

不分寸心同井水世途行止尙相干

五更爲風雨驚醒倚枕寒甚口占

雨聲偏攪睡秋氣欲砭肌窗破殘燈颭宵長刻漏遲懷
人時入夢作吏最妨詩幸得閒身乞吟髭撚忘疲

晨起賦重陽不出詩甫得四語適李玉生刺史招

遊玉泉輒足走呈

又是風兼雨

去歲南山之約爲雨所阻連朝陰甚今日始放晴

重陽合索休閒

身供臥病佳節助牢愁刺史饒清興賓僚出雅游囊篋
不同把空望靜觀樓

玉泉之會余以抱疴未預賦呈索和

戲馬臺前舊使君招攜勝友恰如雲
下方矯首知爭看鬪飲分曹張兩軍

連朝風雨滿秋城天爲清游特放晴
千古騷人愛重九座中誰先報詩成

東柯宅畔黃花發天靖山頭翠柏新
風景不殊游侶換

舊登臨處倍懷人

謂洪園山長
北垣太守

因閒得病了無醫腰腳輕頑遜
昔時爲想山靈應笑我
鑪薰椀茗獨哦詩

自夏徂秋日與藥裹爲緣庭菊亦殊不茂戲拈人
比黃花瘦成短古五章

東籬有嘉卉北牖徒病身人惜欲萎花花憐初起人商
飈日夕催白雁迢遙賓因懷往時彥託意綠葆眞

餐緬楚三閭采思晉栗里坡仙嗣風流薦復配以杞高
處在標格淡中有名理千秋多賞音伊人蓋自比

百草盡欲死孤花殿羣芳秋氣得其肅土色標以黃茲
胡怯經雨昔空稱傲霜眇躬對搖落亦增遲暮傷

少壯苦勞役神舒貌亦華得閒不兼健清癯邇彌加無

方掃白髮何地求丹砂重陽那謀醉扶病看幽花
花事往年好佳客輒來就滿頭插如狂盈筭泛爲壽墜
歡追已非良會舉難又吟繫故園心莫謂杜陵瘦。

讀史記李斯傳因賦倉中鼠詞

賢愚在自處人鼠有同情君不見太倉有鼠安無營飽
食公家粟而無人犬驚豈若厠中鼠食污不潔心怍怍
李斯昔日見鼠歎免吏學儒師荀卿貴與蒙恬並穿墉
穿屋名利爭晚爲趙高賣畏首畏尾身家傾上蔡門獵
初罷咸陽市禍誰嫁一歎空仰天轅車共秘璽書假身

雖具五刑萬死罪難始
皇謝我歎斯也鼠不如千載焚
書遭唾罵物禁太甚極則衰
天下幾人知稅駕

玉生刺史兩次九日韻亦再疊呈答

秦川半載頌神君也共邦人慰望雲
我病政如潘騎省
君詩突過鮑參軍

傳來七字壯長城
天半霞標絢晚晴
獨讓驅珠採夢得
紛紛鱗甲愧先成

冀黃駿譽蘭河徧

君曾任皋
蘭河州

元白騷情隴渭新
請看推

敲詩律細定知敷政不猶人

次韻奉和玉生刺史九日登玉泉觀五七言二律

是日余以病未赴會

玉泉道觀做清秋天遣詩人聚隴頭客醉何妨烏帽落

景真還仗彩毫收精藍草長留丹竈

山有盧梁
修真洞

平楚煙

消見渭流不爲病魔能敗意肯教逸興負滄洲

勝游攜勝侶選勝早涼天秋逐黃花老人凌翠柏巔

山多

懸巖
古柏

吟肩疑鶴聳畫手倩龍眠

擬囑曼卿繪
重陽雅集圖

歸路亂扶

影邊城月未圓

喜任郭二生歲科試均列優等戲贈

兩生競爽喜才高再試雙看駕俊髦自笑名場心早淡
偶聞文戰氣猶豪棘闈深鎖平衡仰花樣新翻左券操
數載頗資談藝力間渠何以答勤勞

寸晷風檐下筆忙由來有價是文章披蒲苦志追中壘
折桂先聲噪上庠自昔漫誇蛙給廩從今不羨鶴餘糧
浮名我暫冀宮附此况平生未許嘗

余由附學生考遺
一試卽倖捷並未

經歲科
二考

放歌行

生不能入烏府爲諫官發奸摘伏肅朝端又不願佩龍

泉隨俠客亡命報讐潛草澤胸中徒蓄不平鳴世上莫
除無賴籍問君嫉惡何太嚴鳳麀梟獍生本兼重器竟
忘投鼠忌善刀絕少割雞嫌坐此宦途鮮稱意往往風
波起平地含沙射影苦難防磨蝸工讒皆自致答言生
初受性殊培蘭鋤艾難自誣但道人心皆磊落豈知世
路有崎嶇憶從通籍登廡仕中外廿年遵一軌曹懲害
馬制胥貪市革飲羊期俗美卽今乞病謝組簪兩忘名
利更誰侵憤時尙裂旁觀皆拯物常推已溺心感君相
規意良善顧余自問衷終懦此身何必不時宜若輩其

如難理遣君不見草有指佞能獸以觸邪顯屈軼神羊
天不生我心匪石不可轉

早寒

閏歲寒偏早秋歸九月中菊殘全傲雪葉落不因風酒
進螺杯碧鑪添獸炭紅白家裘久做怨冷聽哀鴻

食橄欖作

筠籠傾寫綠珠勻味美於回色鬪新喜向隴頭逢橄欖
異鄉果似故鄉人

荔支色味與香兼龍眼中邊似蜜甜私把鄉評方諫果

縱同悅口遜鍼砭

勸吏吟效長慶體

天生嘉穀將育人帝命良牧將安民稊稗有時不可食
吉羅所在誰爲親問茲豈復天帝意宇內曾逢幾廉吏
不聞考課有循良直以催科爲撫字滔滔皆是何足云
趨來目擊說與君官有市心實堪異僕指臚陳非一事
萱堂但識所生親蓮幕忍看將死至牀前一拜忘師恩
身後千金匿友寄前官囊橐每巧偷小吏苞苴亦陰覬
脯修東減山長驚羊豕牢虛庠士議家丁賄入視眈眈

里甲財多心惴惴起觀四境盡成仇顯蔽一言惟好利
吏胥慣見尙攢眉翁仲但聞應墮淚請看詩禮有椎埋
何怪确礮多種穉君不見召南陽杜南陽歌爲父母思
不忘又不見元道州陽道州名厥子孫姓長留寄言世
上親民者監古懲今善自謀

余素有茶癖每終日引滿不知所由消又古人多
用薑鹽皆極不可解事戲綴小詩將以質有同
嗜者

素瓷靜夜趣殊長七椀能生兩腋涼一任旁人嘲水厄

酒腸未盡畫茶腸

泉名品第肇鴻漸

借押

火候端詳繼子瞻獨怪前賢稱癖

嗜碾煎何取雜薑鹽

自嘲

胡不戀簪裾疏慵合遂初天機猶自淺俠氣未全除此
世難諧俗何方可卜居窮年空兀兀日手一編書

自解

始信辭官樂心身得自由偶吟皆寫意不飲本無愁風
雨門常閉賓朋座苦留倦眠饑卽食此外更何求

送張友樵孝廉歸狄道

入室蘭言有異薰，在門驪唱不堪聞。
豫愁佳日逢高會，把酒論詩劇憶君。

此後相思減帶圍，問君底事急言歸。
早知歧路分襟易，卻悔前時見面稀。

出聯鞍轡話聯牀，情密契深形兩忘。
我恐秦川同客者，最難爲別是胡郎。

謂子發
選拔

歸時吟榻傍妝奩，紅袖青燈韻事添。
一角遠山新學得

傳家眉筆好重拈

君新續髮近
又學畫山水

病目

銀海無端眩欲旋
肺肝剋損病牽纏
閉如倦鶴朝慵視
炯學鰈魚夜廢眠
豈爲看人分黑白
更逢開卷肆丹鉛
疏狂合遣成昏贖
文字從今恐少緣

病齒

一牙搖動衆牙牽
外視空誇似貝編
茶酒霑脣吞怯熱
肥甘到口決愁堅
因疼頻叩經千徧
欲落還留近兩年
剛折柔存君記取
翻瀾舌本尙依然

玉生刺史之甥
余同年生張玉田
廉訪之孫也屢

於州署避逅因其引避未及敘問追昔感今愴

然有賦

皖南需滯誤師期引決心憐仰藥時鶴唳華亭聞豈得

犬牽上蔡悔何追

玉田名熙字作令粵東游升徽臬桐城之役以救援不力奉旨與恆鎮

同正典刑幸地方大吏以先期畏罪自盡覆奏遂獲免見法云

王孫此日烏衣感廉

使當年豸繡姿不爲相逢同陌路盛衰重話益淒其

七十老翁何所求

借右丞句玉田捷南宮已五十

好官直爲子孫謀幾

人曾得登三品此錯真同鑄六州讀律精心工比擬採

詩巨眼費窮搜

玉田未第時卽選刻七家試帖又與許珊林同年編輯比照加減成案二書皆

盛行法家騷客雙稱最青史浮名許附不
于世

玉生刺史又示九日一詩輒再次和

舊游憶傍大羅天秋晚西山訪玉泉

京師西山亦有玉泉禪院共水卽流

入御溝並達潞河也

自乞一官爲外吏每逢九日對窮邊薪憂我

抱劉公幹藻詠君疑李謫仙此會明年期健預高吟慚
和淥波蓮

臥病述懷戲做長慶體

曾聞瘳與瘵相隨不道偷閒亦早衰鍵戶經旬無刺入
下帷鎮日但書披禁煙時節身都懶愛月情懷步幾移

夾坐傷肌膚起粟多言損肺氣如絲五中更感河魚疾
七尺全非海鶴姿偶出竟疑須杖倚不眠多分祇燈知
故將健態酬慈母忍把微軀付俗醫病亟自搜君相藥
視昏罷覆婦姑棋女貪悅耳催談史妻怕勞心阻詠詩
間疾客來驚貌瘁還家夢醒悵魂癡髮當攬鏡頻添白
齒爲離牀漸覺危瘦骨十分催向老愁心一半坐憂時
強排世慮遺塵事擬乞仙方覓鍊師不是臭皮囊苦戀
故山曾有首邱期

九日雨中聞任郭二生秋捷喜賦

門生金帖信冒雨到衡門喜極翻疑誤呼高不厭喧青
雲雙得路白屋頓生暄慰我裁成意奇文憶共論

任子家寒素囊螢矢志堅郭生年幼穉吐鳳擅才妍學

績雜窗富名題雁塔聯手攀牆外桂吉夢兆機先

八月朔夢

牆外桂花盛開手折兩枝而寤謂
必門牆之徵果符同捷吉兪云

天水池觀魚

白石方池徹底清閒來投餌看魚行聚多圍圍洋洋影
聽慣堂堂策策聲化蝶莊生知此意臥龍蜀相想同情

就中別有思燒尾祇待春雷第一鳴

意調同游任
郭二生也

冬暖長至後尙小雨竟日詩以志異

雲凝朔風吹窮冬欲雪時
每逢灰動瑄幾見雨如絲
陽月天心復邊城地氣移
聞鶡橋上客愁歎有誰知

聞南陽餘匪商漢敗竄伏
匿山南武關徑路叢歧
非若函谷之丸泥可封
潼塞之一夫可守也隴
秦脣齒相依杞憂殊切
輒成長句聊寓羈愁

赤眉似草薶還生梁苑妖氛迫漢京
四皓舊居紛欲徙
五丁狹路漸難行
長驅勁旅關中出
合遣游魂釜底驚
不是客愁多過計
豈容鄰郡伏鯢鯨

大錢歎

併引

各直省大錢率僅會垣流通出國門一步卽無過問者秦州近分設官錢店意在推行南路而閭閻愁怨市井紛綸物價之貴賤仍視大錢之有無乃司其事者方以民間已行使反命謂可畢乃公事矣可勝浩歎

無翼青蚨自解飛忽增舊價用多違時輕時重原圖法泉壅泉流本化機蜀相瞻軍民尙怨荆公富國史仍譏後人智更前人勝盜得金鈴掩耳歸

病起

病起仍慵出南檐向曝佳吟肩高並鶴傲骨瘦于柴行
藥防苔髮温醅杖朮黠門前名利客風雪正天涯

依韻奉酬翁雪蕉大令游玉泉觀

琳宮鐘磬下方聞天靖山光望裏分古柏浮根緣陡壁

枯槐空腹峙斜曛

懸巖翠柏絕頂雙槐
爲玉泉入景之二

聲喧午市風傳

籟煙散晨炊瓦沍雲丹熟盧梁經幾劫詩成李杜掃千
軍君來倚杖吟新什客每捫碑讀舊文勝地登臨嫌獨

自主人臥病悵離羣

余時適抱病

青鞋日短應難徧濁酒天

寒不易醺擬和紀游珠玉句七襄笑爲報章勤

僑居舊治幸免惡聲今晨忽有南河川鄉民饋渭
河小魚數尾重違其意姑付庖人果腹之餘紀
以四韻

饋來白小尾全頰去乙呼童付鼎烹恰佐姜詩歡視膳
似憐張翰苦思羹棠陰那有前賢愛芹獻還徵野老情
卻既未能懸近矯使君原不博清名

寒宵不寐歎老懷歸率吟短律

衆鳥握枝宿一蛩翳蘚吟夢迴街鼓絕寒迫壁燈深殘

臘此長夜故山多遠心早衰兼善病無語擁孤衾

榕城篇

與客各談鄉關景物之盛退而掇以韻語命曰

榕城篇

閩中百蠻地山海梯航通南橫五虎嶂北秀蓮花峰旗
鼓分左右浮屠聳西東溪迴衆灘險城跨三山雄密鱗
接萬瓦百雉環崇墉鯤身島嶼見蜃氣樓臺重余村馱
舌婦余民居北山惟雷盤蘭三
姓土人不齒絕不與婚蕃舶蚪髯翁入市木難

賤輸官翠羽豐畚田瘠須燒湍水潞能春樹接始生果

陰濃多種榕無諸始開國趙佗繼就封晉猶限絕域唐

漸濡華風高科掇歐子文教興常公遂令海濱士遠追

鄒魯蹤

自常袞爲觀察使闕始興於學其舉進士相傳自歐陽詹始

聞初築子城地

形繪圖經江左特郵寄景純曾推評南向若拓地外侮

常被兵果然舟艦集長有絃管鳴百齡父老語五季干

戈爭鴻儒周樸死蛾賊黃巢生厥後易數姓鼎革民無

驚

黃巢之亂城破詩人周樸死焉自後易姓之際民不知兵

于今大一統離明世太

平萬家蠱罷蓄四時瘴漸輕漁喜洋禁弛農欣諸藤成

宦游急引退負販憚遠行文場甚得意福地非虛名因

君語勝概使我觸鄉情擲筆一長嘯櫂槍南望明

後榕城篇

前詩脫稿因念比得南中書所述近事撫今追昔感慨系之復吟以寓歎

吟成榕城篇感歎榕城事七 朝際昇平一方安樂利

生齒蕃斯民物產限于地邑里習豪奢倉箱乏委積薪

桂棹溪來米珠航海至仰乳如嬰兒盡心在連帥比聞

上下游疊見兵戈被乞糴既無從作炊良不易

會垣之米半仰

給于臺灣其由延建溪船來者兼載柴薪邇年土匪訖于前粵逆殘于後運道悉梗民大艱食矣

奈何

疲敝餘更創紛更議欲變園府常上佐司農匱幣具估
難通飛交遠莫致片銅鑄啓姦寸紙摹滋僞寶泉竟不

流市價遂多貳歲稔有饑氓官清亦庸吏通衢餓莩橫

白晝強徒伺富尙足咨嗟貧尤生怨懟

官鈔大錢鐵錢私鑄假票充斥

百貨價數倍城內外劫案頻聞小民窮日之
力不能謀升斗以自給衢巷中竟有餓死者緬懷乾嘉

初上媿唐虞治仕宦恥言貧屠沽知慕義空存福地名

那得醉人瑞

唐史荒亂之餘以市有醉人爲瑞

旅恨鬱迴腸歸飛摧弱

翅異域念交親中宵揮涕泗徒傷望遠心誰識哀吟意

曼卿爲雪蕉作畫冊並題云畫箇圖兒供嘯傲不

須真有買山錢余愛其灑落有致亦成二絕以
答云

黻染推敲兩擅場長康癡絕謫仙狂知君生小家君誓
直把溪山寫故鄉

曾向孤山訪隱淪西游人亦倦風塵憑君覓得幽棲處
報我移家往結鄰

有小鳥狀如鶯每麥欲登場哀鳴徹曉秦人譯以
土音呼爲現黃現割殆卽布穀歟姑系以詩俟
質博物君子

萬頃黃雲被隴頭何來小鳥韻鉤駟直從深夜啼連曉
欲把殘春叫作秋知我無田偏聒耳干卿甚事獨擔憂
爲憐怨魄吟新什可得名同杜宇留其啼血如杜鵑不
而月卽寂然俗傳
乃貧士之妻諫夫不聽
所化殊附會欠馴雅

子發見示感懷自解二律襟懷曠達辭氣和平欽

佩之餘輒次韻呈答

但憑詭遇詫良工貴賤悠悠耳目中記室有才欽阮瑀
元亭何客問揚雄荆山璞在知無價棘院衡持盼至公
詩似沈翁文似管 清時幾見歎終窮沈歸愚尚書管
絨若部郎皆極

晚遇名達天聽
以老名士呼之

詩翁未老已頽然博得頭銜署信天龍性難馴時鎖掣
蠶身漸縮任絲纏寒圖不覺消三九酒價何須問十千
且瀝芳樽同醕酊好教鄉夢到梅邊

春柳用漁洋集秋柳韻同星堂作

搖落曾銷旅客魂東風又入玉關門江梅暗度春前信
原草同回燒後痕十里長亭臨灞岸數聲短笛起羌村
竹枝一例成新詠哀怨聽從隴外論

柔條移植幾星霜日暖煙和腕野塘眉樣乍描京兆筆

舞衣罷疊小蠻箱
亭亭車蓋蠡邱館
濯濯姿容鶴氅王
長對芳時傷往事
聽鶯記傍日南坊

冶春玉勒綺羅衣
回首章臺舊夢非
金縷曲中情不淺
麴塵波外影猶稀
流連別恨攀條盡
斷送韶光作絮飛
話到清明風景近
故山悵已十年違

枝枝葉葉總堪憐
疏漏初陽密裊煙
明鏡夾隄窺宛轉
綠蕪遠道襯芊緜
藏烏莫問江南地
繫馬還思陌上年
多少深閨倚樓望
封侯人尙滯窮邊

老馬和雪蕉韻

籊雲自昔逐龍媒終老風塵分棄材伏櫪志銷兼力盡
識途性在劇心灰名姬詎忍當筵換宿將猶談破陣回
見說千金會市骨長懸雙眼望燕臺

無復花中散碧蹄秋高還向北風嘶半生自愧芻長飽
雙耳空餘竹共批耐可並驅紅叱撥豈能重惜錦障泥
孫陽未遇幼清死縱不虺隤孰品題

閔邸報知瓜洲鎮江于仲冬十二日一晝夜相繼
克復走筆志喜

鐵甕城邊燧火高 王師聞已靖鯨波沿江殺氣奔狐

鼠半夜軍聲亂鶴鷺

官軍以亥刻入鎮江

瓜潤同時耕戰地金焦

依舊送漁歌一陽初復天心轉更戡南畿頌止戈

除夕

秦州十度逢除夕細算忙閒各五年十日飄零猶客裏

一年容易又春前久違舊俗庚申守

閩俗重守歲多達旦不寐

更續

新吟戊午編歸計好憑如願乞莫教坐耗買山錢

張曼臣大令因公抵秦一見如舊盤桓累月各罄

生平於其還也賦此以贈

濁世獨翩翩羣疑吏是仙傳家饒治譜餘事到詩篇

魯泉

諸人共和春柳
詩推君爲壓卷隴阪皇華路春風折柳筵相逢方恨晚

何計尼歸鞭

無計尼歸鞭仍同話昔緣閩山連越水愛日正童年

早歲

嘗隨其祖父歷
宦閩浙兩省篋問胡威絹囊羞趙壹錢劇能守清白

早上孝廉船

自上孝廉船蹉跎歲月遷璞疑空獻楚駿歎孰求燕竟
屈三通學相看百里賢攢眉商出處徑擬賦歸田

漫擬賦歸田伊余計已愆中年辭薄祿盡室滯窮邊旅
夢驚戎馬鄉愁滿海天與君俱在客別意倍纏綿

聞官軍剋復秣陵關喜賦

王者師無敵雄關勢早吞先聲捷瓜潤勝算似崑崙殺
氣騰鍾阜妖氛俯白門陣前爭獻馘釜底贖游魂地險
難終據勳奇合早論收京知不遠露布慰中原

寄魯泉大令

前度送君處東風吹柳花重逢當歲晚一別又天涯桑
梓頻經寇萍蓬苦憶家邊城共淪落望遠倍興嗟

銅雀臺

竇履分香事可悲老瞞抵死尙情癡西陵祇自成疑塚

上食朝晡望阿誰

漳水東流去不同
霸圖銷歇賸蒿萊
後人錯認高齊瓦
虛擲黃金買研材

固始再圍兩閱月
官軍四集僅驅散
而京營兵又報赴山左
防剿矣賞及將士
憂在廟堂誰握虎符
可堪浩歎

羅雀還薰鼠危城始解圍
沿濠鷺鴨亂俗有光鷺固鴨之語
拔柵

犬羊歸

賊所至以挖濠樹柵爲長技

聚殲誠難必窮追莫或非奈何

散餘孽左輔啓戎機

病起述懷

天未死斯人醫來亦自神五旬長謝客一病不知春過

眼鶯花寂滋腸燕菜珍

燕窩北人呼爲燕菜

回思疇昔夜幾化夢

中身

二月念四夜大汗不止幾致不起

宵中風雨交作倚枕偶成

四月初九夜

寒侵枕簟夢難成永夕風聲雜雨聲疑入直廬梧竹響
記眠佑舶荻蘆鳴晦明易感懷人意飄泊猶關遠道情
屈指春歸長欲浹園林花事有餘清

春日雜感

併序

昔賢有云春月令人和悅豈若肅殺之令搖落
之辰易滋悲感歟然而惜春有詞感春有賦蓋
境以情異聲由心生已余伏枕養疴杜門謝客
遂閱五旬之久不覺三月云徂花朝旣阻於踏
青藪旦匪聞夫浮白劇疾稍閒逸興遄飛觸緒
牽情遣懷成詠錯殊厥旨各自爲章

繁絃鮮中聲獨鳥無和鳴華滋子不密蓬轉根莫縈人
生當貴盛意氣何縱橫榮枯旣殊遇哀樂紛異情古來
達觀士感此心無營人皆習巧詐我獨持拙誠

馮驩伍食客降志彈蒯緄禰衡曹鼓吏傲色著岑牟才
大覺世隘遇蹇非吾羞仁義尙能市文章終莫售卓爾
齊公子惜哉劉荊州昔賢惡口實季世慎身謀

蒲柳不彫謝竹箭當比堅桃李無歲寒松柏當遜妍哲
人秉節操末俗工夤緣出處信由已浮沈休問天時清
軒冕貴迹晦泉石賢老莊非玩世貴身聊自全

生死見交情貴賤見交態結交須黃金古語良可慨車
笠既共盟弦韋宜互佩奈何仕宦場不及屠沽輩莫信
金石朋謂歷久可耐請看翟公門雀羅張且再

川原得春氣草木皆向榮獨此去鄉客寂處心怍怍高
天有繫匏大海有浮萍盡室滯西塞故居懷東瀛松楸
久莫掃桑梓空復縈不恨挂冠早但嗟躬廢耕

仕宦有市道君子笑以目訟獄視賄成行路誹以腹方
其肆恣睢謂可欺幽獨萬口民刊碑十目鬼瞰屋鳴琴
花滿縣吹律黍溫谷緬懷古循良千祀馨尸祝

虎同穴必鬪蛟共潭必爭人心有城府仕路多隄阡田
竇規魁柄蘇張角縱橫始猶利相餌卒乃權相傾壺盧
依樣畫棘荆無端生冷眼矚螳雀大笑絕冠纓

淺瀨無神龍卑叢盡凡鳥鳥擇木而棲龍得人可擾末
流巧宦多左右亦皆巧馮道代相臣譙周世降表君臣
朋友閒卽大可喻小轉語下殊難辱彼芙蓉沼

世鮮百齡壽人多千歲憂古來曠達者亦自子孫謀蚘
存蟬不死薪續火斯留顧茲豎子劣實乃衰宗羞昌黎
勸云屢彭澤責可休誰能爲豚犬復此同馬牛

次韻和答子佩大令僑寓西城之什

騷人隨遇可澄懷不厭囂塵宅近街文字緣宜聯我輩
干戈信共阻天涯傳家吟癖催詩和

季佩世講見示鈞
篆四律未及奉和

去國羈愁仗酒排爲報南湖荷正放
朱荔裳觀察在州於南湖種荷建亭
恆出城吟詩宴客今遺址蕩然惟土
人賣藕爲業者於迤東栽數畝云
遲君扶杖躡芒鞋

攜童稚至城北瑞蓮寺看菊

又送重陽去邊城菊已花偶攜嬌女輩過訪梵王家地

僻生禪想秋深驗物華十年留句晚題壁待籠紗
在州多年

今始一到

城北瑞蓮寺到門曲徑通
癯僧迎客肅退宦慰途窮坐
愛寒香滿吟思晚節崇
投簪歸未得何日隱籬東

得郭遠堂觀察書知劉芑川廣文久已化去詩以

哭之

才高遇蹇命難延位置斯人欲問天華表鶴歸情縹緲

承塵鵬語恨纏綿詩編海島堪千古

少年詩逼肖張船
山海外歸來聞已

刻專 集 訃到邊城已五年我向寢門思一哭記曾同上孝

廉船

壬辰俱借計癸卯冬
余服闋又同北上

禮闈兩度病魔纏萬里空勞著祖鞭黃絹清才艱一第

青氍冷宦謝三遷聰明不信偏妨壽

四上公車再遭疾
不與試大挑爲學

博調任臺灣以軍功
加升街死僅四十靈爽還疑去作仙料得深交楊與

郭謂笙友水部

遠堂觀察 招魂幾賦楚騷篇

陳研英幕賓以楊翠巖大令在蘭病逝哭以四律

因亦有作

忽得金城訃楊侯死可嗟
早衰兼善病久客況無家骨

肉歸裝耗江湖戰鼓搥
元規傷愛子頭白尙天涯

算人竹圃

方伯由京卿乞養後遂僑寓金陵聞避寇橐資盡失近知就養鹽城官署其次君又引疾罷縣計年且逾八十

矣故有後四語

名父鶴鳴陰高科喜嗣音
胡威勤問絹宓賤屈鳴琴詩

進官須退經傳士共欽

類年主蘭山講席

憶逢京邸日驚怪撚

髭吟

余于丙申初識面詰云君卽翠巖耶大愕問故徐答以意中久懸一能詩白面耶不圖已鬢鬢也因

相與
鼓掌

僕指知交輩如君信獨賢卑官殊落落濁世自翩翩夙

負才人目真隨拙宦有名山身後業不朽賸詩篇詩集甚富

早歲由義山入手晚

宗誠齋必傳無疑

太邱知己感遠寄哭君詩一往情何極千秋契在茲賻

金歸旅櫬爲位奠荒祠

來書述爲位以哭及贈賻多金情殊可感

愧我還山

日空瞻宿草悲

研因屢次無題之韻並附近作就正歎其才之敏

而心之虛也亦四疊以答

文字緣深解自媒昔年早識軼羣材雙魚不憚關河阻
老馬何能道路開入幕愈風工草檄傳家投轄慣銜杯
多君情似岷江水日夜東流繞卦臺

元龍詩筆最清遒頃刻能修五鳳樓削草吟酣饒古意
盪薇讀罷破閒愁長卿豔說多今體崔顥驚看在上頭
一藝有成堪壽世騷壇俎豆卜千秋

十載狂吟客裏身伊誰物色向風塵神交有幸多知己
牙慧無端肯拾人大厯元和諸體備建安正始畢生親
布衣長揖王侯座七子重逢謝茂秦

楊蕉雨觀察李杏南大令皆歎賞新

詩於未識
面之前

編衷愧我塞茅蓬評隲高文論未公才退筆驚還郭叟
志堅繻喜棄終童虛懷下問真如谷古處相期信足風
拈得詩禪須共證梅花滿樹月當空

初冬夜坐

誰與爲歡者蕭然斗室中三更羣動息一卷萬緣空生
白窗橫月搖紅燭受風迴思趨直夜玉漏出珠宮

冬夕感懷

霜天月落雁聲哀
長觸愁腸欲九迴
晚歲最思朋友樂

衰宗難望子孫材三年蓄艾求丹訣萬里維桑話劫灰
莫問越王山下路有人頭白未歸來

卽事有感

莫笑詩狂更酒狂半生世味耐深嘗辭官不徇妻孥意
結客曾隨任俠場三釜有資容避地一廛權受當還鄉
從今掉臂風塵外免逐饑鴻覓稻梁

南國兵戈積歲尋異邦蹤迹暫浮沈借他間舍求田事
堅我耕山釣水心滿腹飲河師鼯鼠埋頭插架伴書蟬
莫因溫飽忘勤儉好把新詩作座箴

戲學拗體寄魯泉

使君名高五華樓自我不見如三秋
洱海波色動鄉夢
天山雪光含旅愁
客子吟成寄河外
梅花信杳遲隴頭
何當歸及賊氛息
各傍故林尋釣游

秦川焚餘草卷三終